

神州日報

THE NATIONAL HERALD
SHANGHAI.

張一號七十三第

文分取不閱送後災

●(日七廿月三未丁)●

本社啟事

本社於廿六清晨因近隣失慎致被殃及除同人生命無恙外所有一切悉數被燬現暫租望平街中外日報館隔壁黃字一百六十號設臨時事務所并一面趕備房屋器械以便重張旗鼓凡關係本社及本社社員電信函件一切請郵送臨時事務所為禱

本社敬啟

今日本報止出一張就現在銷數送閱不取分文除本埠外凡外埠各處曾經定閱本報者祈仍向賣報人或代派處索取可也

電傳宮門抄

三月二十六日 召見軍機 彬格

電傳上諭

三月二十五日內閣抄奉
上諭御史趙啟霖奏新設疆臣貴族親貴物議沸騰據實糾參一摺據稱段芝貴貴族親貴有以欺欺於載振並從天津商會王竹林捐十萬金為慶親王壽禮等語有無其事自應澈查著派醇親王載灃大學士孫家鼐確切查明務期水落石出據實覆奏欽此 又奉
上諭段芝貴著撤去布政使銜毋庸署

理黑龍江巡撫欽此 又奉

上諭黑龍江巡撫著程德全暫行署理欽此 又奉
三月二十六日內閣抄奉
上諭致仕大學士崑岡學問優長老成持重由翰林院學士并總理八旗事務宜力有年克勤厥職前因患病奏請開缺以大學士致仕賞食全俸方冀克享遐齡長承恩眷茲聞遼遼悼惜殊深著賞給陀羅尼經被派員勒載海帶領侍衛十員即日前往奠醊加恩追贈太子少保衛入祀賢良祠照大學士例賜卹任內一切處分悉與開復應得卹典該衙門查例具奏伊子郎中占鳌著以四品京堂候補用示篤念舊言至意欽此

本社專電

●趙啟霖奏參慶邸御振貝子摺中有父子兩無心肝黑龍江巡撫段芝貴全無廉恥等語 二十六日申刻北京電
●福建馬尾船政局陸軍部鐵甲書力持宜仍歸官辦以擴張造船事業與復海軍請撥款五十萬兩從速改建
●鳴綠江森林事件袁宮保臣宜派吏華官為監督日使倖倖歸北京直堅與外務部交涉 同上
●法公使照會外務部雲接南土司滋事欲派兵入境保護路工外務部婉却電雲貴總督錫清帥派兵彈壓 同上
●政府籌款買回俄人所設北滿州電線 同上
●龍華鎮搶米由沿營周統領派兵前往彈壓 二十六日未刻吳松電

特約路透電報

●法政府承認與日本議遠東協約法國外部大臣璧青君現承認外間所傳日法兩國在東京協議承認法蘭西在遠東利益一事惟稱一時尚未能議就云
●伏見宮親王抵英情形 日本伏見宮親王現已抵倫敦駐英日本使館各員英皇太子首相等相率前往迎迓日親王即偕英皇太子等馳往白宮享皇宮當蒙英皇召見以茶點情極優渥日親王退後英皇即往答拜且賜以頭等勳章一座各報章均撰論盛稱英日國際交誼之隆盛
●英國對於德相宣言之態度 英國克雷爾大佐在下議院問曰德首相既宣稱此次海牙和平和會德國不願參議減縮軍備問題吾英國是否即行製造第三號「屈雷特諾脫」式戰艦首相字納們答曰吾英與德國同意凡使各國為難之事均不願為之其他現尚不便再行宣明云
●改革治理愛島政策 英國愛爾蘭事務大臣李理爾君將改革治理愛爾蘭之法案向議院申送內稱會議公所中八十二議員須由投票選充歸政府簡派之二十四員無立法權但可管理八局所事務如當地行政農務學務等

社外電報

東京電 漢城現象仍甚混亂朝鮮為日本保護國此次海牙萬國和平和會本可無須派員蒞場代表乃聞有外人二名擬向韓皇內藏院領取巨款作為秘密運動費前赴海牙和平和會伸請各國承認朝鮮為獨立國
東京電 日俄兩國漁業條約業已訂定此外兩國商約及滿洲鐵道接軌條約亦已訂定草約
東京電 美國及羅斯福三百年大祝典日本黑木大將為日本之代表極受美人歡迎云
倫敦電 印度政府現通告各省謂各學堂學生及教員現均有政治上舉動須善護高等教育不使蹈此危機云按印度奔及學省城拉霍亞印度土民甚為不靖致衆情恐慌此印度政府之所以此通告也
柏林電 意大利兵部大臣聲稱德國克虜伯鋼仍為製造野戰炮之最好材料
柏林電 日本派往法國觀察陸軍之三島將軍近稱法國炮隊為全世界之冠云
柏林電 法報載稱法日兩國協議互相尊重各自在遠東之利益一事現英俄兩國政府已接到此項文書矣

緊要新聞

昨日被災情形

二十六日午前五點鐘福州路五百八十四號起火延燒樓屋八九幢福州路東面至華英藥房樓面止西面燒至河南路交點更延至河南路元吉衣莊止火勢隨風而熾自時報館入本社時間樓面然着先是西捕見火勢趨入本社登樓察看火路即引龍頭登樓撲救無奈火勢太猛水力不足以相勝遂即延燒所有主筆房排字房機器房等均付一炬火勢復自本社延入鄰屋計燒毀者在福州路除本社外有祥興琴行時報館有正書局隆棧新義報支店外國木器店在河南路者有華洋藥房學社永豐泰皮貨店久成綢莊本報在合泰保險金時報在華安保險五千源安五千有正書局在合泰保險三千華洋藥房未詳或云保七千新民報支店未詳隆棧在華安保一千華學社在合泰保四千永豐泰在華安保三萬五千元又在巴勒保數未詳久成綢莊在中和保未詳災變橫生殊非意料所及當火勢熾時火星飛射及隔馬路之巡捕房幾至延燒賴急救得免而窗葉已焦蓋此次火災頗為上海近來所罕見者

煙臺日人之暴戾

奉天省煙臺煤礦已為日本強佔不肯交還該地附近近有杉木園日前忽有日人五名欲突入游玩園主見其兇橫婉言阻之日人大怒即拔刀攻入殺死園中人數名並放火將樹木焚毀趙將軍已將此事電知外務部聞部已向日使理論矣

新疆政界現狀

新疆以苦瘠聞於國中各省每年協濟之款凡二百萬就中伊犁將軍提去四十萬而撥派賠款又三四十萬以之為新疆各項政事之用者不過百二十萬耳邊疆重地僅有百二十萬經費而本省又不能自關財源處處人盡食之衡其支絀危險情形已可想見然聞該省州縣缺甚多一握印綬即坐而致富內有某州一年入錢之款至有二十餘萬之多應任實缺未有能到任者即署事之員亦必先報効若干萬於新疆巡撫始能署任而需次州縣之人流品最為濫雜商賈販者流居多數以故官場之習氣甚壞若輩祇知一己之私圖不顧回民之痛苦近年回部生計大窘相率逃往俄國謀生蓋地方脂膏祇有此數官之吸收者多則民之自養者少故逃哈之案層出不窮夫哈民雖中於俄人之設誘然使其足以自裕彼亦何願輕棄鄉里遠適異國耶目下俄人經營中國西北邊境着進取政府若於新疆仍聽其官吏之貪污哈民之疾苦而不整頓吏治慎固邊防則新疆之亡可計日而待矣

慶王計較壽儀

慶王七十壽儀共收七十餘萬慶王意殊不樂謂咱們此次開銷不止七十萬金云云聞慶邸所搭戲臺費九千五百金陰蓬亦費去一萬餘金遇事動輒萬金故慶王謂此次開銷甚大也噫壽筵果用去七十萬金乎抑欲粉飾以搪塞外人目實而不欲移壽儀助賑乎若嫌七十萬太少則就某將軍所送之羊脂如意言聞已值萬金某大吏某勳貴所送禮物價值數十萬計此而算之豈止百萬

北京通信

●東三省督撫各缺一經發表後都下物議沸騰有謂某撫以四十萬金運動者有謂某撫以十萬金運動且購天津某名妓以獻某要津者幾於道路皆知誠不敢謂事屬子虛然以東省此次經畫非常之計肩荷斯任者至鉅極難苦心焦思猶懼不足乃反視為厚俸以賂得之此豈尚有人心耶豐鎬舊都付於焚燬之手則周鼎其終淪矣
●趙將軍昨有奏疏到京吏部護以脩墓回籍道員韓國鈞以病仍回汴省候補其他各員尚未聞有隨趙以去者
●近日徐菊人制軍籌議東三省事宜擬先定統一制度凡外交等事以唐撫專任之吏治等事以朱撫專任之民政等事以段撫專任之並奏派段祺瑞總轄三省練兵事宜
●大學堂農學教習程家樞前經達軍帥調赴吉林擬昇以農務局長程固辭不就蓋程稔知吉省經日人投貨購地墾荒為數甚鉅若欲大興農業以為抵制非得數百萬金不能有效現以數萬

秘製正王樹神油

本號大小瓶俱備批發零沽外埠函購亦無不可本號此油係選用上等香油加外埠白油精製而成功效神速凡患風濕骨痛跌打損傷等症一經搽抹立見奇效此油係選用上等香油加外埠白油精製而成功效神速凡患風濕骨痛跌打損傷等症一經搽抹立見奇效此油係選用上等香油加外埠白油精製而成功效神速凡患風濕骨痛跌打損傷等症一經搽抹立見奇效

